

UGOVOR O PRUŽANJU ZDRAVSTVENIH USLUGA

Zaključen dana 26.09.2019. između

1. **Davalac usluga: PZU „Eurofarm – Centar Poliklinika“**, sa sjedištem na adresi **Butmirska cesta br. 10, 71210 Ilidža - Sarajevo, ID br. 4200128030003**, koju zastupa **izvršni direktor, Kenan Kekić** – u daljem tekstu **Davalac usluga**.
2. **Primalac usluga: Akademija likovnih umjetnosti**, sa sjedištem na adresi **Obala Maka Dizdara broj 3, 71 000 Sarajevo, ID broj 4200425750007**, koju zastupa **Dekan, prof.dr.Dubravka Pozderac-Lejlić** – u daljem tekstu **Primalac usluga**.

Član 1.

Predmet ovog Ugovora je pružanje zdravstvenih usluga za uposlenike Primaoca usluga – Akademije likovnih umjetnosti od strane Davaoca usluga – PZU „Eurofarm – Centar Poliklinika“

Ovim Ugovorom Davalac i Primalac usluga definiraju međusobna prava i obaveze u vezi s tim.

Član 2.

Zdravstvene usluge koje se pružaju uposlenicima Primaoca usluga od strane Davaoca usluga obuhvataju: obavljanje sistematskih kontrolnih ljekarskih pregleda po izboru Davaoca usluga i obavljanje ljekarskih pregleda za uposlenike Davaoca usluga po zahtjevu uposlenika Davaoca usluga ponaosob.

Član 3.

Sistematski kontrolni ljekarski pregledi po izboru Davaoca usluga obuhvataju sljedeće usluge:

Dogovorena ponuda na sastanku

Vrsta usluge

A.Medicinske usluge i pregledi:

- 1.Pregled specijaliste medicine rada
- 2.Oftalmološki pregled
- 3.Neuropsihijatar/psiholog
- 4.RTG pluća – na indikaciju

B.Laboratorijske pretrage

- 1.Kompletna krvna slika sa diferencijalnom krvnom slikom
- 2.Sedimentacija (SE)
- 3.Šećer u krvi
- 4.Urea
- 5.Kreatinin
- 6.Holesterol
- 7.Trigliceridi
- 8.Željezo u serumu
- 9.Ukupni bilirubin
- 10.LDH
- 11.Kompletan urin

Član 4.

Cijena sistematskog ljekarskog pregleda iz Člana 3. ovog Ugovora po uposleniku Primaoca usluga utvrđuje se u iznosu od 48,00 KM za žene, tj. 48,00 KM za muškarce. Troškove sistematskog ljekarskog pregleda iz Člana 3. ovog Ugovora snosit će Primalac usluga – Akademija likovnih umjetnosti. Nakon obavljenog sistematskog pregleda uposlenici Primaoca usluga će dobiti izvještaj o obavljenim pregledima i zdravstvenom stanju svakog uposlenika ponaosob.

Član 5.

Cijene usluga ljekarskih pregleda za uposlenike Primaoca usluga po ličnom zahtjevu uposlenika Primaoca usluga i potrebi istih Davaoca usluga će naplaćivati po zvaničnom Cjenovniku Poliklinike, tj. Davaoca usluga, uz popust od 20% na usluge Davaoca usluga. Troškove usluga ljekarskih pregleda za uposlenike Davaoca usluga po ličnom zahtjevu istih, a koji nisu obuhvaćeni sistematskim ljekarskim pregledom uposlenika Primaoca usluga, snosit će sami uposlenici Primaoca usluga, pri čemu će dobiti fiskalni račun i ljekarski izvještaj o obavljenim pregledima. Usluge koje su izuzete iz navedenog popusta su usluge medicine rada, tj. usluge izdavanja ljekarskih uvjerenja, koje će se naplaćivati po zvaničnom cjenovniku Davaoca usluga, bez popusta.

Član 6.

Usluge definirane Članom 2. ovog Ugovora Davaoc usluga će obavljati u skladu sa pravilima struke i od strane stručnih lica Poliklinike, tj. Davaoca usluga. Davaoc usluga navodi da će se sistematski pregled

obaviti u :

1. Poslovna jedinica 2 – PJ 2 – Unitic Business Center – Fra Anđela Zvizdovića 1 (prizemlje)

Adresu za obavljanje sistematskih ljekarskih pregleda i ljekarskih pregleda je birao Primalac usluga.

Član 7.

Usluge definisane Članom 2. ovog Ugovora oslobođene su plaćanja PDV-a po Članu 24. Stav 1. Tačka 2. „Zakona o PDV“ (Sl. gl. BiH br. 09/05) i Čl. 25. Tačka 1. „Pravilnika o primjeni ZPDV“ (Sl.gl. BiH br. 93/05).

Član 8.

Primalac usluga će plaćanje usluga sistematskog ljekarskog pregleda, navedenog u Članu 2, a opisanog Članom 3, po obavljenoj usluzi, izvršiti po ispostavljanju računa od strane Davaoca usluga, sa rokom dospjeća od 30 dana.

Član 9.

Primalac usluga se obavezuje dostaviti spisak uposlenika Davaocu usluga prilikom obavljanja sistematskog ljekarskog pregleda.

Član 10.

Ovaj Ugovor stupa na snagu danom njegovog potpisivanja i traje u periodu od godinu dana, s mogućnošću njegovog produživanja, ukoliko se obje strane potpisnice slože da produže isti ugovor.

Član 11.

Ugovorne strane su saglasne da će se, za sve što nije definirano ovim Ugovorom, primjenjivati odbredbe „Zakona o obligacionim odnosima“.

Član 12.

Ugovorne strane će eventualne sporove rješavati sporazumno na principu uzajamnog povjerenja i dobrih poslovnih običaja. U suprotnom, za rješavanje sporova nadležan je „Kantonalni sud u Sarajevu“.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

Davalac usluga:



Izvršni direktor,

Kenan Kekić

Br. protokola: K11-244/19

Datum: 26.09.2019.

M.P.



Primalac usluga:



Dekan, prof.dr.Dubravka

Pozderac-Lejlić

Br. protokola:

03-951/19

Datum: *04.10.2019. God*

